

**Paasissutissat suliffeqarfiit kattunnerannik nalinginnaasumik
nalunaaruteqarnermi atugassat**

1. Kattunnermik allaaserinnineq

1.1. Inatsisartut inatsisaanni nr. 1, 15. maj 2014-imeersumi § 16, imm. 1-3 naapertorlugu kikkut kattunnersut, kattunnerup suunera kattuttullu ingerlatsiveqarfii allallugit kattunneq naatsumik allaaseriuk. Aamma niuerfinnut sorlernut kattunnerup sunniuteqarnissaa paasissutissiissutigiuk.

1.2. Paasissutissat qulaaniittut pillugit avammut saqqummiunneqarsinnaanngorlugit oqaatsit annerpaamik 500-t atorlugit takussutissiigit, taaku paasissutissat isertuussat niuernermiluunniit isertuussat ilanngunnagit. Allaaserinnineq taanna Atuisoqarnermut Unammilleqatigiinnermullu Aqutsisoqarfiup piffissami nalunaaruteqarfiusumi kattunnermik avammut saqqummiussineranut aallaaviussaaq.

2. Peqataasut pillugit paasissutissat

2.1. Nalunaaruteqartut pillugit paasissutissat

Peqataasoq(ut) nalunaaruteqartoq(tut) pillugu(it) paasissutissiineq:

- a) Suliffeqarfiup aqqa najugaalu.
- b) Suliffeqarfiup ingerlatai suunersut (tassa tunisassiat sullissinerilluunniit ataatsimoortut suliffeqarfiup pilersitai, pisiarisai tuniagaaluunniit). Aamma suliaqarfiit kattunnermi ilaanngitsut paasissutissiissutigineqassapput.
- c) Inuup attaveqarfiup aqqa atorfialu, najugaa, oqarasuaatikkut normua e-mailialu
- d) Najugaq allagaatinik uppersaatit nassitsiviusinnaasoq, tassunga ilanngullugit aalajangiinerit aamma Unammilleqatigiinnermut Ataatsimiititaliap aamma Atuisoqarnermut Unammilleqatigiinnermullu Aqutsisoqarfiup aalajangiineri.

2.2. Kattunnermi peqataasut allat pillugit paasissutissat

Nalunaaruteqartup saniatigut kattunnermi peqataasut allat ataasiakkaat pillugit paasissutissiissutigineqartut:

- a) Suliffeqarfiup aqqa najugaalu.
- b) Kattunnermi peqataasut ingerlataat.
- c) Inuup attaveqarfiusartup aqqa atorfialu, najugaa, oqarasuaatikkut normua e-mailialu

2.3. Sinniisut pillugit paasissutissat

Nalunaarut suliffeqarfiit sinniisunit atsiorneqarpat, kattunnermi peqataasoq sorleq taassuma sinniisuuffigineraa ilanngullugu sinniisut ataasiakkaat aqqi, najugaat, oqarasuaatikkut normui e-maililu ilisimatitsissutigineqassapput.

3. Unammilleqatigiinnermut oqartussanut allanut nalunaarut

Kattunneq unammilleqatigiinnermut oqartussanut allanut nalunaarutigineqarpat nalunaarutigineqartussaappalluunniit, unammilleqatigiinnermi oqartussat aqqi immaqalu inuk attaveqarfissaq allallugit ilisimatitsissutigineqassapput.

4. Kattunneq nammineq pillugu paasissutissat

4.1. Kattunneq uku allallugit nalunaarutigiuk:

- a) Suliffeqarfiit marluk arlalilluunniit maannamut nammineertut kattullugit, suliffeqarfimmik ataatsimik arlalinnilluunniit tamanik ilaannilluunniit toqqaannartumik toqqaannangitsumilluunniit oqartussaalerluni pisilluni, joint venturetut nammineerluni ingerlasumik pilersitsilluni kattunnerunersoq imaluunniit kattunneq unammilleqatigiinneq pillugu inatsimmi § 16, imm. 3 naapertorlugu suliffeqarfimmi ingerlatsinermi aalajangiisuulluni sunniuteqarnermik allatigut kinguneqassanersoq.
- b) Pisussat pingaaruteqartut kattunnerup piviusunngortinnissaanut kinguneqartussat pilersaarutigineqartut piffissalluunniit ilimagineqartut.
- c) Kattunnerup kingorna piginnittuunermi oqartussaunermilu pissutit pilersaarutigineqartut.
- d) Kattunnerup nalinga (pisinermi aki imaluunniit peqataasut tamarmik ingerlatsinerisa nalingi).
- e) Inuussutissarsiutit immikkoortuinut ilisarnaat sorleq (ilisarnaatit GB200(0 imaluunniit 3)) kattunnermi pineqarnersoq.

4.2. Kattunnermi aningaasaqarnermi tunngavik ilisimatitsissutigiuk.

5 Aningaasaqarneq pillugu paasissutissat

Suliffeqarfiit peqataasut ataasiakkaat pillugit ukiumi naatsorsuusiorfiusumi kingulermi DKK-nngorlugit ilisimatitsissutigikkitt:

- a) Kalaallit Nunaanni kaaviiartitat.
- b) Nunarsuarmi tamarmi kaaviiartitat.

6 Piginnittuunermi oqartussaasuunermilu pissutsit

6.1. Kattunnermi peqataasut tamarmik suliffeqarfimmi ataatsimiittunik allattuivimmi nalunaarutigineqassapput. Allattuivimmi tassani ilanngunneqassapput:

- a) Suliffeqarfiit inuilluunniit tamarmik kattunnermi peqataasunut toqqaannartumik toqqaannangitsumilluunniit oqartussaasut.
- b) Suliffeqarfiit tamarmik, niuerfinni immikkoortuni 7.1-imi aamma 7.2-mi ataanit paasissutissiissutigineqartut ilaanni ataatsimi ingerlatsisut aammalu toqqaannartumik toqqaannangitsumilluunniit ukuningga oqartussaaffigineqartut:

- 1) Kattunnermi peqataasumit ataatsimit arlalinnilluunniit.
- 2) Suliffeqarfinit allanit litra a-mi taaneqartunit.

Suliffeqarfiit ataasiakkaat qulaani allassimasut pillugit oqartussaanerit qanoq ittut pineqarnersut immikkoortualunngorlugit nalunaarutigineqassapput.

6.2. Kattunnermi peqataasut aamma suliffeqarfiit inuilluunniit immikkoortuni 6.1 a-mi b-milu allaqqasut immikkut tamaasa pillugit nalunaarutigineqassapput:

- a) Suliffeqarfiit allat tamaasa niuerfimmi ataatsimi arlalinniluunniit ingerlatsisut ataani immikkoortuni 7.1-imi 7.2-milu ilisimatitsissutigineqartut suliffeqarfissuarmilu suliffeqarfik inuilluunniit kisimiillutik ataatsimulluunniit aktiaateqartut imaluunniit pappiaqqanik nalilinnik allanik pigisaqartut taasisinnaatitaanerit minnerpaamik 10 procentiannik pigisaqartut pillugit allattuivik.
- b) Suliffeqarfiit ataasiakkaat pisortaqarfimmi siulersuisuniluunniit ilaasortaataat aamma suliffeqarfimmi allami niuerfimmi ataani 7.1-imi 7.2-milu ilisimatitsissutigineqartuni ataatsimi arlalinniluunniit ingerlatsisumi pisortanut ilaasut siulersuisuniluunniit ilaasortat pillugit allattuivik. Pisuni ataasiakkaani suliffeqarfiup allap aqqa sorlermilu ilaasortaaneq kiisalu inuup ilaasortaaffeqartup aqqa atorfialu ilisimatitsissutigineqassaaq.
- c) Suliffeqarfissuit qulaani taaneqartut (immikkoortoq 6.1) suliffeqarfinnik niuerfimmi ataatsimi arlalinniluunniit immikkoortoq 7.1-imi 7.2-milu ilisimatitsissutigineqartuni suliffeqarfinnik ukiuni pingasuni kingullerni pisisimnersut annertunerusumik ilisimatitsissutit.

7 Niuerfiit

Tunisassianik niuerfik niuerfiilluunniit pineqartut aamma nunap ilaani niuerfimmi niuerfinitluunniit pineqartut suliffeqarfiup nutaap kattunnerup kingorna niuernermi qanoq annertutigisumik ingerlatsineranik nalilersuinermit tunngaviliisut.

Niuerfinit killiliineq unammileqatigiinneq pillugu inatsimmi § 5-imi allaqqapput. Niuerfiit pineqartut pillugit paasissutissat nassuiaatit uku tunngavigalugit nalunaaruteqartumit paasissutissiissutigineqassapput:

Tunisassianik niuerfiit pineqartut

Tunisassianik niuerfiit pineqartut imatut paasineqassapput nioqutissanik aamma/imaluunniit sullissutinik pisinnaasaat, akiit sumullu atorneqarsinnaaneri pissutigalugit imminnut taarsiunneqarsinnaasut atuisumit isigineqartut. Tunisassianik niuerfimmi pineqartumi ilaatigut nioqutissat aamma/imaluunniit sullississutit arlaliusinnaapput namminneq teknikkikkulluunniit pisinnaasaat annertuumik assigiittut imminnullu taarsiunneqarsinnaasut. Pissutsit ilaat tunisassianik niuerfimmik pineqartumik nalilersuinermi pingaaruteqartoq tassaavoq, nioqutissap sullississutilluunniit pineqartup assersuutigalugu imminnut

taarsiunneqarsinnaanerata, unammillernermit atugassaritinneqartut, akit, nioqqutissanik sullississutinilluunniit ujartuinnermi akiisa allanngorarsinnaassusiat pissutsilluunniit allat tunisassianik niuerfimmik killilersuinnermut pingaaruteqartut (assersuutigalugu neqeroorutigisat imminnut taarsiunneqarsinnaassusiat isiginiarlugu sooq niuerfimmut tassunga tunngatinneqarsinnaanerannik allallu tassunga sooq tunngatinneqarsinnaannginnerannik nalilersuineq).

Nunap ilaani niuerfiit pineqartut

Nunap ilaani niuerfiit imatut paasineqassapput sumiiffiit suliffeqarfiit peqataasut nioqqutissanik sullississutinillu pineqartunik neqerooruteqarfigisaat ujartuiffigisaallu, tassani unammilleqatigiinnermi atugassaritinneqartut naammattumik assigiiaarlutik aammalu pingaartumik nunap ilaani killilikkami unammilleqatigiinnermi atugassaritinneqartut annertuumik assigiinnginnerat pissutigalugu tassanngaanniit immikkoortinneqarsinnaalluni. Pissutsit niuerfimmik pineqartumik nalilersuinnermut pingaaruteqartut tassaapput nioqqutissap sullississutinilluunniit pineqartup suunera pisinnaasaalu, ingerlataqarnissamut aporfiit, atuisut piumanerusaat, suliffeqarfiit tassani nunalluunniit ilaani saniliani niuernermit tamarmiusumit niuerutaasa annertuumik assigiinnginnerat akilluunniit annertuumik assigiinnginnerat.

Niuerfiit sunnerneqartut

Nunap ilaani niuerfimmik pineqartumik tunisassianik niuerfiit pineqartut imatut pisoqaraangat niuerfimmik sunnerneqartutut isigineqartarput

- a) Kattunnermi peqataasut marluk arlallilluunniit tunisassianik niuerfimmik pineqartumik ataatsimi ingerlataqarput, kattunnerlu sumiiffimmik niuernerup tamarmiusup katillugit 15 procentianik niuertarput (sanileriissillugit assigiittunut tunngasut), aamma/imaluunniit
- b) Kattunnermi peqataasooq ataaseq arlallilluunniit taakku akornanni pilersuisutut/pisisartutut imminnut atassuteqarnerat apeqqutaatinnagu (qummut killilertiigaanngitsut) tunisassianik niuerfimmik kattunnermi peqataasup ataatsip arlallilluunniit ingerlatsivigisaannut immikkullu tamarmik ataatsimulluunniit niuerfimmik niuernermit tamarmiusumut minnerpaamik 25 procentinik niuerfigisartagaannut tunngatillugu tunisassianik niuernermit kaaviiartitsinnermi siusinnerusukkut kingusinnerusukkulluunniit ingerlatsisut.

Niuerfiit allat kattunnermi malunnartumik sunnerneqartut

Kattunneq aamma niuerfiit sunnerneqartut saniatigut tunisassianik niuerfinnut aamma nunap ilaani niuerfinnut malunnaatilimmik sunniuteqarsinnaavoq. Tamanna assersuutigalugu ima pisinnaavoq

- a) Kattunnermi ilaasoq ataaseq niuernermit tamarmiusumut sanilliullugu 25 procentit sinnerlugit niuertarput kattunnermilu peqataasoq alla niuerfimmi tassani unammillertinngorsinnaalluni¹ aamma/imaluunniit,
- b) kattunnermi peqataasoq ataaseq tunisassianik niuerfimmi kattunnermi peqataasup allap ingerlatsiffigisaanut assingusumik ingerlatsiffigisaani tunisassianik niuerfimiippoq aammalu niuernermit tamarmiusumut sanilliullugu immikkut ataatsikkulluunniit minnerpaami 25 procentinik niuertarlutik,
- c) Kattunnermi peqataasoqataasoq ataaseq niuerfimmi ingerlatsinissamik pilersaaruteqaraangat ukiulluunniit kingulliit marluk taamatut pilersaaruteqarsimagaangat² pilersaarutillu taakku malikkaangagit pingaartumik unammillertaalersinnaasutut isigineqassaaq.

7.1. Niuerfiit sunnerneqartut tamaasa ilisimatitsissutigikkit.³

7.2. Niuerfiit allat tamaasa kattunnerup malunnartumik sunniiffigisassai ilisimatitsissutigikkit.

8. Niuerfiit pillugit paasissutissat

8.1. Niuerfiit immikkut tamaasa qulaani immikkoortuni 7.1-imi 7.2-milu paasissutissiissutigineqartut pillugit ukiuni kingullerni pingasuni ukiumoortumik naatsorsuutinit uku paasissutissiissutigineqassapput:

- a) Nalingi annertussusaalu taakku qanoq missingerneqarsimanerat ilanngullugu niuerfimmi katillugit kaaviiartitanik missingiineq, taakku qanoq missingiilluni nalilerneqarsinnaanerannut upparnaarsaat ilanngullugu.
- b) Kattunnermi peqataasut kaaviiartitaasa nalingi annertussusaallu uuttorlugit kiisalu niuerfiup ilaa tigummisaannik missingiineq.
- c) Unammillertit anginerit pingasut tuniniaaviup ilaani tigummisaannik nalinginik annertussusaannillu missingiineq, taakkuninnga missingiinnermi tunngavik paasissutissiissutigalugu. Taamaaliortoqarsinnaappat unammillertit taakku aqqi, najugaat, e-mailii, oqarasuaatikkut normui inuillu attaveqarfissat ilisimatitsissutigikkit.
- d) Nioqqutissanik eqqussaa sinnaasunik tunineranni nalingi annertussusaallu atorlugit

¹ Kattunnermi peqataasoq ataaseq niuernermit tamarmiusumut sanilliullugu 25 procentit sinnerlugit niuertarpoq, kattunnermilu peqataasoq ataaseq niuerfimmi tassani annertuumik piginnittuusinnaatitaalluni aamma/imaluunniit.

² Tunisassianik niuerfiit niuerfittut assigiingajassapput tunisassiat imminnut tapersersinnaappata, tassa assersuutigalugu tunisassiaq ataaseq tunisassiap allap atorneqarnissaanik kinguneqarpat (assersuutigalugu kakkersaat kakkersaatissallu imaluunniit printeri printerpatronillu) imaluunniit tunisassianut atorfissaannut assigiimmuut pisisartunit assigiinnit pissarsiarineqartarpat (assersuutigalugu whisky ginilu, imerniartarfinnut neriniartarfinnullu tunineqartartut imaluunniit nioqqutissanik aalajangersimasunik taakkuninnga tunisassiorartartunut tunineqartartunut poortuutissanut atortut assigiinngitsut.)

³ Nunami sumiiffinni niuerfittut ilisimatitsissutit tunniunneqqassapput, kisiannili Kalaallit Nunaannut tunniunneqartunit ikinnerunngitsunik.

missingiineq. Paasissutissiissutigikkit:

- 1) Kattunnermi peqataasut nioqqutissat nammineq eqqussaat eqqussanut tamanut sanilliullugu procentinngorlugit.
- 2) Nioqqutissanik eqqussuineq niuernermi qanoq aporfiutiginersoq, assersuutigalugu akitsuutitigut, nammineq eqqussassatigut, assartuinermi aningaasartuutitigut inatsisilerinermiluunniit aporfittut.
- 3) Niuerfimmi pineqartumi sunik sullissinissamik isumaqatigiissuteqarnersoq, sullissinissamik isumaqatigiissutit niuerfimmi qanoq pisariaqartinneqartiginersut aamma niuerfimmi eqqaaniittumi, tunisassiassatigut nunallu ilaani, niuerfik sullissinissamut isumaqatigiissutitigut sunerneqarnersoq ilisimatitsissutigik.
- 4) Kattunnermi peqataasut tunisassianik aamma/imaluunniit sullississutitik qanoq tunisassiarisarneraat/pilersittarneraat, akini qanoq aalajangiisarnersut qanorlu tuniniaasarnersut ilisimatitsissutigik.
- 5) Kattunnermi peqataasut unammillertiminnut anginernut sanilliullugu suliffeqarfii qanoq annertutigisumik sanileriissillugit assigiit atassuteqarnersut ilisimatitsissutigik.

Nalingi danskit koruuninngorlugit ilisimatitsissutigineqassapput annertussusaalu immikkoortut amerlassusaattut ilisimatitsissutigik. Taamaalilluni niuerfimmi nalinga annertussusaalu imatut ilisimatitsissutigineqartariaqarpoq nunap ilaani pineqartumi tunisassiorneq avammut tuniniaaneq ilanngaatigalugu nioqqutissanillu eqqussuineq ilanngullugu takutinneqassaaq.

9. Niuerfinni sunerneqartuni atugassarititat tamanut tunngasut

Niuerfiit immikkoortuni 7.1-imi 7.2-milu paasissutissiissutigineqartut immikkut tamarmik pillugit uku paasissutissiissutigineqassapput:

Pisiortornermi pissutsit

9.1. Niuerfiit immikkoortuni 7.1-imi 7.2-milu paasissutissiissutigineqartut ataasiakkaarlugit aamma kattunnermi peqataasut, pilersuisut namminersortut pingasut anginerit (tassa suliffeqarfiit suliffeqarfimmi suliffissuaqarfiup ilaaniinngitsut) kiisalu taakku pisiortorneranni pilersuisut taakku procentinngorlugit qanoq annertutigisumik pisiortorfigineqartarnersut paasissutissiissutigik. Pilersuisuni taakkunani pineqartuni inuit attaveqarfigineqartutut aqqi atorfiilu kiisalu najugaat, oqarasuaatikkut normui e-maililu ilisimatitsissutigikkit.

Neqerooruteqariaaseq

9.2 Niuerfimmi neqeroorutigineqarsinnaasut tamarmiusut neqerooruteqarsinnaassuseqarnermi tassani kattunnermi peqataasut neqerooruteqartarnerat procentinngornera ilanngullugu

kattunnermilu peqataasut neqerooruteqarsinnaassuseq qanoq annertutigisumik atorneraat missingerlugit paasissutissiissutigikkit.

9.3. Kattunnermi peqataasut tunisassiorfii nunap ilaani sumiinersut paasissutissiissutigiuk.

9.4. Kattunnermi peqataasut arlaat ukiuni pingasuni ukuninnga pilersaaruteqarnersut ilisimatitsissutigiuk:

- a) Niuerfimmi sunnerneqartumi ataatsimi arlalinniluunniit tunisassianik nutaanik tuniniaasalernissamik pilersaaruteqarnersut.
- b) Tunisassiorsinnaassutsip tuniniaasinnaassutsillu annertusinissaannik annikillisinneqarnissaanniluunniit pilersaaruteqarnersut.
- c) Pilersuisunik atuinissamik pilersaaruteqarnersut.

Taamaattoqarpas kattunnermi peqataasut ukiut pingasut tulliuuttut ingerlaneranni tunisassatut ilimagisaat aamma tuniniaaviup ilaa tigummineqartussatut ilimagineqartoq missingerlugit ilisimatitsissutigineqassaput.

9.5. Pissutsit allat neqerooruteqariaatsimut pingaaruteqartut ilisimatitsissutigikkit.

Ujartuisarnermi pissutsit

9.6. Niuerfinni immikkoortuni 7.1-imi 7.2-milu paasissutissiissutigineqartuni ataasiakkaani aamma kattunnermi peqataasut, pisisartut namminersortut pingasut anginerit (tassa suliffeqarfiit suliffeqarfimmi suliffissuaqarfiup ilaaniinngitsut) kattunnermi peqataasup tunisassianik taamaattunik pisisartup pisiarisartagaani tunisartagai tamarmiusut paasissutissiissutigikkit. Pisisartuni taakkunani pineqartuni inuit attaveqarfigineqartutut aqqi atorfiilu kiisalu najugaat, oqarasuaatikkut normui e-mailiilu ilisimatitsissutigikkit.

9.7. Niuerfinni immikkoortuni 7.1-imi aamma 7.2-mi ujartuisarnerup qanoq ittuunera nassuiaruk. Immikkut ilisimatitsissutigikkit:

- a) Niuerfiup ineriartortitsinermi killiffia, tassa niuerfik assersuutigalugu aallarnisarneqarnersoq annertusiartornersoq, niuerfiup ineriartortinneqarnera inerissimanersoq niuerfilluunniit kinguariartornersoq kiisalu ujartuinerup ineriartornissaatut ilimagineqartumik missingineq.
- b) Assersuutigalugu meqqimut aalajangersimasumut aalajaatsuuneq, tunisinninnermi kingornalu sullissisarneq imaluunniit tunisassianik assigiinngiaartunik tamakkiisunik pilersuineq eqqarsaatigalugu pisisartut piumasaasa pingaaruteqassusiat.
- c) Pitsaassuseq piginnaasaalluunniit allat kiisalu kattunnermi peqataasut tunisassiaasa qanoq annertutigisumik taarserneqarsinnaanerat eqqarsaatigalugit tunisassianik allanngorartitsinerup pingaaruteqassusia.
- d) Pilersuisumik taarsiinermi piffissap aningaasartuutillu pisisartumut pingaaruteqassusiat
- e) Pisisartut kikkuuneri, tassa pisisartut tasaanersut suliffeqarfiit angisuut ikittut

imaluunniit mikisut amerlasuut, taakkuluunniit akulerunnersut.

- f) Pisisartut immikkoortunut assigiinngitsunut immikkoortinneqarnersut, tassunga ilanngullugu immikkoortuni tamani ”pisisartumik nalinginnaasumik” allaaserinnineq.
- g) Siaruarternermi immikkut isumaqatigiissutit isumaqatigiissutillu allat piffissamut sivisuumut atuuttussat pingaaruteqassusiat.

Niuerfimmi ingerlatsilersinnaaneq

Niuerfinni ataasiakkaani immikkoortuni 7.1-imi 7.2-milu paasissutissiissutigineqartuni niuerfimi ingerlatsilersinnaaneq pillugu paasissutissat.

9.8. Suliffeqarfiit allat niuerfimmi ukiuni tallimani kingullerni ingerlatsillualersimanersut paasissutissiissutigiuk. Taamaattoqarpat niuernermi nammineq ingerlatsinerup annertussusia taamaaliortoqarsinnaappat kiisalu piffissami suliffeqarfiup niuerfimmeereernerani ineriartornera missingerneqassappat. Suliffeqarfiup aqqa, najugaa, e-mailia, oqarasuaatikkut normua inuillu attavissat aamma ilisimatitsissutigikkit.

9.9. Ukiuni kingullerni tallimani suliffeqarfinnik niuerfimmi ingerlatsisoqarunnaarsimanersok ilisimatitsissutigiuk. Taamaattoqarpat suliffeqarfiup aqqa, najugaa, e-mailia, oqarasuaatikkut normua inuillu attavissat aamma ilisimatitsissutigikkit.

9.10. Kattunnermi peqataasut arlaat ukiuni kingullerni tallimani niuerfimmi namminneq ingerlatsilersimanersut ilisimatitsissutigiuk. Taamaattoqarpat niuerfimmi ingerlatsilernermi aporfissat allaaserineqassapput.

9.11. Suliffeqarfiit allat sorliit nalunaaruteqartup isumaa malillugu niuerfimmi ingerlatsilersinnaanersut ilisimatitsissutigiuk (tassunga ilanngullugu suliffeqarfiit taamaallaat Kalaallit Nunaata avataani ingerlatsisut). Sooq taamatut ingerlatsisoqalersinnaanera nassuiaruk tamassumalu qaqugu pisinnaanera missingeruk. Aqqa, najugaa, e-mailia, oqarasuaatikkut normua suiffeqarfinilu taakkunani inuk attaveqarfissaq ilisimatitsissutigikkit.

9.12. Pissutsit assigiinngitsut nunap ilaa tunisassiallu aallaavigalugit niuerfimmi ingerlatsilernissamut pingaaruteqartut ilisimatitsissutigikkit. Immikkut ilisimatitsissutigikkit:

- a) Taamatut unammilleqatigiinnermi niuernermi nammineq ingerlatsinissatut ilimagisat missingerlugit unammillerluarsinnaalluni imminut nappassinnaasumik pilersitsinermi aningaasartuutissatut missingiussat (ilisimatusarneq, tunisassiorneq, siaruarternermik pilersitsineq, nittarsaassineq, pilerisaarutit, sullissineq il.il.) kiisalu taakkununga piffissap atugassap missingerneru.
- b) Ingerlatsilersinnaanermut aporfiusinnaasut inatsisini aalajangerneqartut killilersorneqartulluunniit, soorlu pisortat akuersinissaannik piumasaqaat malittarisalluunniit.

- c) Ilisimasat, nioqqutissianik nutaanik illersuinerup tigussaangitsunillu piginnittuunerit allat kingunerannik killiliinerit.
- d) Kattunnermi peqataasoq ataaseq arlallilluunniit nioqqutissianik nutaanik illersuinermik, nalunngisanik pinsinnaatitaaffinnillu allanik nalunaaruteqarsimasut nalunaarfigineqarsimanersulluunniit.
- e) Niuerfinni sunnerneqartuni tunisassionermi tunisassianillu siaruarterinermi annertuumik ingerlatsinermi iluaqutit pingaaruteqassusiat.
- f) Tunisassiassani, attaveqaatinik pisariaqartunik assigisaannilluunniit pissarsisinnaanerup pingaaruteqassusia.

Suleqatigiinnissamik isumaqatigiissutit

9.13. Niuerfinni sunnerneqartuni sanileriissillugit assigiit qummullu killileriigaangitsut qanoq annertutigisunik suleqatigiinnissami isumaqatigiissusiorortoqarsimanersooq ilisimatitsissutiguk.

9.14. Suleqatigiinnissamut isumaqatigiissutit niuerfinni sunnerneqartuni isumaqatigiissutit pingaarnerit allaaserikkit, assersuutigalugit ataatsimut tunisassiornissaq pillugu isumaqatigiissutit, akuersissutit pillugit isumaqatigiissutit, immikkuullarissumik ingerlataqarneq, siaruarterineq, piffissami sivisuumi pilersuinissamik isumaqatigiissutit, paasissutissanik paarlaasseqatigiittarneq, ilisimatusarneq ineriartortitsinerlu.

10. Pisariillisaanermi pissarsiat

Pisariillisaanermi pissarsiat kattunnermi pilersinneqartussatut ilimagineqartut Unammileqatigiinnermi Siunnersuisoqatigiit kattunnermik nalilersuinermut ilagitillugu isumaliutigissagai nalunaaruteqartup kissaatigippagu, uku ilisimatitsissutigineqassapput:

- a) Kattunnissamik pilersaarutigineqartumi immikkoortoq kattunneqartoq qanoq pisariillisaanermi pissarsisinnaanersooq immikkoortualunngorlugit allaaserinnineq.
- b) Qanoq naatsorsorneqarsimanerannik nassuiaalluni pisariillisaanermi pissarsiat annertussusilerneqarsinnaaneri.
- c) Pissarsiat taakku atuisunit qanoq iluaqutigineqarsinnaatiginersut tamannalu qanoq ilimanartiginersooq.
- d) Illuatungeriit sooq kattunnissatut pilersaarutip avataani allatut iliorlutik sooq pisariillisaasinnaasimangitsut.

11. Joint venture-t eqqarsaatigalugit ataatsimut aaqqiissuteqarnermi pissutsit

Unammilleqatigiinneq pillugu inatsimmi § 19, imm. 3-mi ersippoq joint venturemik pilersitsinermi § 16, imm. 2 malillugu kattunnerusumi suliffeqarfiit unammilleqatigiinneranni suliffeqarfittut suli nammineernissaasa ataatsimut aaqqiissutigiginissaa aamma siunertaasoq taassumaluunniit kingunerissagaa, iliuseqarnerup akuerineqarsinnaanera paasiniarlugu § 6,

imm. 1-imi aamma § 8, imm. 1-imi tunngaviit malillugit ataatsimut aaqqiineq nalilersorneqassaaq.

Kattunneq unammilleqatigiinneq pillugu inatsimmi § 16, imm. 2 naapertorlugu joint ventureuppat ilisimatitsissutigineqassapput:

- a) Suliffeqarfiit pilersitsisut marluk arlallilluunniit joint venturetut niuerfimmi ataatsimi imaluunniit niuerfimmi eqqaaniittumi tassunga assingusumut tunngatillugu siusinnerusukkut kingusinnerusukkuulluunniit kaaviiartitsinermi ingerlatat niuerfimmi tassani annertunerusumik piginnaassaneraat⁴.

Taamaattoqarpat niuerfiit ataasiakkaat pillugit ilisimatitsissutigineqassapput:

- 1) Suliffeqarfiit pilersitsisut immikkut tamarmik ukiup suliani naatsorsuusiorfimmi kaaviiartitaat.
- 2) Kaaviiartitanut tunngatillugu joint venturep ingerlatsinerata aningaasaqarnermut pingaaruteqassusia.
- 3) Suliffeqarfiit pilersitsisut immikkut tamarmik niuerfimmi ingerlataat.

Taamaattoqangippat akissut tunngavilersorneqassaaq.

- a) Litra a-mi akissut aappiuppat, joint venturemillu pilersitsineq nalunaaruteqartup naliliinera malillugu suliffeqarfiit nammineertut akornanni ataatsimut aaqqissuussinerat unammilleqatigiinneq pillugu inatsimmi § 6, imm. 1 malillugu unammilleqatigiinnermik killiliinermik kinguneqangippat akissut tunngavilersorneqassaaq.
- b) Litra a-mi b-milu akissutit apequtaatinnagit unammilleqatigiinnermi inatsimmi § 8, imm. 1-imi tunngaviit qanoq atorneqarnersut ilisimatitsissutigineqassaaq.

Tamassumunnga tunngaviit tassaapput, iliuuseqarnermi

- 1) nioqqutissanik sullississutinilluunniit pilersitsinermi siaruarterinermiluunniit pisariillisaanermik pitsanngorsaanermut tapersiinersoq imaluunniit tamanna teknikimik aningaasaqarnermilluunniit ineriartortitsinermik siuarsaanersoq,
- 2) atuisut tamassuma naammaginartumik iluaqutissaat qulakkeerneqarnersut,
- 3) anguniakkat taakku angunissaannut pisariaqanngitsunik suliffeqarfiit killilersorneqarnersut, aamma
- 4) nioqqutissat sullississutilluunniit pineqartut annertunersaat unammilleqatigiissutiginiissaannik pinngitsoortinnissamut suliffeqarfiit periarfissaarutitinneqarnersut.

12. Akitsuutit

Akitsuutit imm. 12.1 – 12.3 ataaniittut malillugit naatsorsorneqartut, nalunaarutip nassiunneqarneranut Atuisoqarnermut Unammilleqatigiinnermullu Aqutsisoqarfiup kontuanut akilerneqassapput: reg. Nr.: 6471 konto nr. 1639061

Nalinginnaasumik nalunaaruteqarneq

12.1. Akitsuutit naatsorsorneqassapput suliffeqarfiit peqataasut Kalaallit Nunaanni ukiumoortumik kaaviiartitaasa tamarmiusut 0,015 procentiattut, tak. Imm. 5a qulaaniittoq. Tamassuma kingorna akitsuutit naatsorsorneqartut ilisimatitsissutigikkit: kr.

12.2. Aningaasat imm. 12.1-imi naatsorsorneqartut 1,5 mio. kr.-nit annertuneruppata, akitsuutit taamaallaat 1,5 mio. kr. akilerneqassapput.

Pisariitsumik nalunaaruteqarnermiit nalinginnaasumik nalunaaruteqarnermut

12.3. Kattunneq nalinginnaasumik nalunaaruteqarnikkut nalunaarutigineqareerpat akitsuullu 50.000 kr.-iusoq akilerneqareerpat, kisiannili nalinginnaasumik nalunaaruteqarnissaq Atuisoqarnermut Unammilleqatigiinnermullu Aqutsisoqarfiup piumasarisimappagu, nalinginnaasumik nalunaarutip nassiunneranut peqatigitillugu suliffeqarfiit peqataasut Kalaallit Nunaanni ukiumut kaaviiartitaasa tamarmiusut 0,015 procentia akilerneqassaaq, tak. imm. 5a qulaaniittoq, kisianni 50.000 kr. ilanngaatilugit, annertunerpaamilli 1,5 mio. kr.

13. Ilanngussat

Nalunaaruteqarnermi uku ilanngullugit nassiunneqassapput:

- a) Kattunnermi peqataasut tamarmik immikkut ukiumoortumik naatsorsuutaat aamma ukiumoortumik nalunaarutaat kukkunerisiorneqarsimasut kingulliit. Ukiumoortumik naatsorsuutit kingulliit naammassereerneranni suliffeqarfimmik tunisisoqarsimappat pisisoqarsimappalluunniit, tamassumunnga uppersaataat ilanngunneqassaaq.
- b) Kattunnermi peqataasut akornanni isumaqatigiissut, oqartussaalluni soqutigisanik pissarsineq imaluunniit pisortat tigusinissamik neqerooruteqarnerat naapertorlugu tamanna pisimanersoq apeqqutaatinnagu kattunneq pillugu inaarutaasumik uppersaataat kingulliilluunniit tamarmik assilineri.
- c) Kattunneq pillugu nalilersuinerit, nalunaarusiat, siulersuisunit imaqarniliat uppersaataatillu tamakku assigisaat.
- d) Kattunnermi peqataasunut ataasiakkaanut suliffeqarfissuarmik takussutissiaq.
- e) Nalunaarutip assinga isertuussaangitsoq.
- f) Akitsuutip akilerneqarsimaneranut uppersaataat, tak. imm. 12 (assersuutigalugu Atuisoqarnermut Unammilleqatigiinnermullu Aqutsisoqarfiup kontuanut aningaaserivikkut akiliinerup assilineri).

14. Nalunaarut

Nalunaarut atsiorsimasoq immikkoortut 1-12 naapertorlugit paasissutissanut ilanngullugu nassiunneqassaaq, tassani nalunaaruteqartoq nalunaassaaq:

Ilanngussaq 1

- nalunaarummi paasissutissat eqqortuusut,
- uppersaatait ilanngussaq 1-imi piumasarineqartut assilineri tamakkiisut ilanngunneqartut, kiisalu
- oqaaseqaatit tamarmik tutsuiginnilluni oqaaseqaatigineqartut.

Nalunaarut suliffeqarfimmit peqataasumit allaanerusumit nalunaarutigineqarpat, paasissutissat il.il. suliffeqarfiit peqataasut tamaasa sinnerlugit paasissutissiissutigineqarneri atsiortup akisussaaffigissavaa. Ataani atsiortoq suliffeqarfiillu nalunaaruteqartut tamarmik unammilleqatigiinneq pillugu Inatsisartut inatsisaanni nr. 1, 15. maj 2014-meersumi §§ 37-imi aamma 38-mi pillaasarnerit pillugit aalajangersakkat ilisimavaat.

Sumiiffik ullorlu

Sumiiffik ullorlu

Sumiiffik ullorlu

Atsiorneq

Atsiorneq

Atsiorneq